

# Sant Joannis.

CCXLII

sy waren nit verr vom land/ sond by zwey hundert ellen) vnd zugend das netze mit den fischen. Als sy nun austrattend auffs land/ sahend sy kolen gelegt vnd fisch daruff/ vnd brot. <sup>†</sup> Spricht Jesus zu jnen: Bringend haer von den fischen die jr yes gesangen habend. Simon Petrus steig hineyn/ vnd zoch das netze vffs land/ voll grosser fischen/ hundert vnd drey vnd fuenfzig. Und wiewol jren so vil ware / zerreich doch das netz nit. Spricht Jesus zu jnen: Kom mend/ vnd haltend das

**C** mal. Niemants aber vnd den jüngern dorfft in fragen/ Wär bist du? daß sy wußtend das der Herr was. Do kumpt Jesus/ vnd nimpt das brot/ vnd gibt es jnen: desselben glychen den fisch. <sup>†</sup> Das ist nun das dritt mal das Jesus geoffenbart ist sinen jüngeren/ nach dem er von den todten auferstanden ist.


Do sy nun das mal gehaltē hattē/ spricht Jesus zu Simon Petro: Simon Johanna/ hast du mich lieber dann mich dise habend? Er spricht zu jm: Ja Herr/ du weist das ich dich lieb hab. Spricht er zu jm: Weid meine lämer. Spricht er aber zum anderen mal zu jm: Simon Johanna/ hast du mich lieb? Er spricht zu jm: Ja Herr/ du weist das ich dich lieb hab. Spricht er zu jm: weid mine schaff. Spricht er zum dritten mal zu jm: Simon Johanna/ liebest du mich? Petrus ward trübig/ daß er zum dritten mal zu jm sagt/ Hast du mich lieb/ vnd sprach zu jm: <sup>†</sup> Herr/ du weist alle ding/ du weist dz ich dich lieb hab. Spricht Jesus zu jm: Weyd meine schaaff.

**D** <sup>†</sup> Warlich warlich ich sag dir: Do du jünger warest/ gurtest du dich selbs/ vnd wand letest wo du hin woltest: \* Wenn du aber alt wirst/ wirst du deine hend aufstrecken/ vnd ein anderer wirt dich gurten/ vnd führen wo du nit hin wilst. Das sagter aber zu bedüten mit welchem tod er Gott preysen würde.

Do er aber das gesagt/ spricht er zu jm: Volg mir nach. Petrus aber wädt sich vñ/ vnd sach den jünger volgen/ welchen Jesus lieb hatt/ <sup>†</sup> der auch vff seiner brust im abent essen gelägen was/ vnd gesagt hatt: Herr/ wär ihs der dich verradet: Do Petrus disen sach/ spricht er zu Jesu: Herr/ wz sol aber diser: Jesus spricht zu jm: So ich wil das er bleybe bis ich kum/ was gadt es dich an: Volg du mir nach. Do gieng ein red auf vñ

der den brüdern: Diser junger stirbt nit. Vñ Jesus sprach nit zu jm/ Er stirbt nit: sonder/ So ich wil das er bleybe bis ich kum/ was gadt es dich an: Diser ist der junger der von disen dingen zeuget/ vnd die ding geschrieben hat/ vñ wir wüssend das sein zeugniß waar ist. <sup>†</sup> Es sind auch vil andere ding die Jesus <sup>Ioan. 20. d</sup> gethon hat/ welche/ so sy sölind eins nach dem anderen geschrieben werden/ acht ich die welt wurde die bücher nit begreyffen die ze schreyben wärind.

## Das ander teildes Euangelij Sanctus cas von der Apostel Geschicht.



Das erst cap.

Von der auffart Christi/ vñ widerkeer der jüngern gen Jerusalem/ vnd harren im gebätt. Von der erwelling Matthie an Judas statt.



Ge erst red hab a  
ich thö lieber Theo  
phile/ von de allem  
das Jesus anfieng  
zeleeren vñ zethün/  
bis an den tag do  
er aufgenommen  
ward/ nach dem er  
den Apostlen (wel  
che er hatt <sup>†</sup> erwellet) durch den heiligen geist <sup>Ioan. 15. b</sup>  
<sup>\*beselch thett:</sup> <sup>†</sup> welche er sich nach seinem ley  
den läbendig erzeyget hatt/ durch mancher-  
<sup>\*Ioan. 20. c</sup>  
<sup>†Ioan. 20. 21.</sup>

55 ij